

故宮
珍本
纂刊

平山志·泰山志

等四種
第二冊
共二冊



故宮博物院編 海南出版社

故宮珍本叢刊第 250 冊 史部地理類 山水

故宮博物院編

平山志
泰山述記

泰山志
泰山道里記

第二冊（共二冊）

海南出版社



圖書在版編目(CIP)數據

故宮珍本叢刊.第249~250冊,地理·山水,平山志、泰山述記、泰山志、泰山道里記/故宮博物院編.-影印本.-海口:海南出版社,2001.4

ISBN 7-80645-986-3

I.故… II.故… III.古籍-善本-故宮博物院-叢刊 IV.Z121.7

中國版本圖書館CIP數據核字(2001)第06664號

故宮珍本叢刊第250冊

史部·地理·山水

平山志 泰山述記 泰山志 泰山道里記

第二冊(共二冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路2號 郵政編碼:570216

湖南省新華印刷三廠印刷

湖南省長沙市韶山路158號 郵政編碼:410004

本書正文用紙由金城造紙(集團)有限責任公司生產

*

2001年6月第1版 2001年6月第1次印刷

開本:787×1092毫米 1/16 印張:26.5 印數:1-400冊

ISBN 7-80645-986-3/Z·67

定價:8400元(河渠山水古迹游記外紀96種共42冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

泰山志卷第三

朝議大夫山東泰安府知府 休寧金榮恭輯

盛典紀

繪音

康熙二十三年九月十九日

詔曰帝王誕膺景命統御萬邦道重觀民政先求瘼是以虞

廷肆觀肇舉省方周室懷柔式歌時邁詩書具在典制不

昭朕仰荷

天庥繼承

祖烈撫茲兆庶期底時雍夙夜孜孜懇求至理以富以教靡敢

怠違猶慮葑菲艱難罔由上達故於直隸郡縣周覽巡幸

泰山志卷三 盛典

勤施補助更念山左等處土宜俗尚不加循省曷克真知

矧歷逢甲子世際昇平事圖泰運之恒新在措芸生於豫

大乘時命駕香彼民依但樂利祇慰夫一方而德澤未敷

於九有朕心歉焉用是特昭公普以宏仁庶奏誠和之盛

治

一江南浙江江西湖廣省分自用兵以來供應繁苦宜

加恩卹康熙二十四年所運漕糧著免三分之一

自康熙十三年起至二十二年拖欠漕項錢糧著自康

熙二十三年起每年帶徵一年以免小民一時並徵之

累東巡經過地方宜俱加恩卹著將康熙二十四年應

徵丁銀盡行蠲免 一泰山經過致祭其四嶽四瀆等

祀應遣官致祭察例舉行 一凡官吏兵民人等有犯

除十惡等罪不赦外凡常赦所不原其餘自康熙二十

三年九月二十四日昧爽以前死罪軍罪以下已發覺

未發覺已結正未結正咸赦除之有以赦前事告許者

以其罪罪之 一直隸各省修理文廟銀兩照舊存留

以供整葺 一直隸各省解費腳價銀兩仍復存留照

額支給 一祭祀行香習儀及祈晴祈雨鄉飲酒禮等

項銀兩仍復存留以供支用 一嶽鎮四瀆廟宇傾頽

者該地方官設法修葺以昭誠敬 一內外文武官員

現應議處者俱著寬免 一內外文武大小各官除各

以現在品級已得封贈外凡授職陞級及改任者著照

泰山志卷三 盛典

新銜封贈 一各處孤貧口糧已復存留經營地方務

類從實給散以贍窮獨

於歲時臻熙皞彌隆寬卹之恩戶樂清寧丕篤綿長之慶

布告天下咸使聞知 先是翰林院編修曹禾題請封禪吏科掌印給事中王承祖題請巡狩

經部議因有此 詔所有曹禾王承祖疏並部議俱附卷末

康熙二十三年十月十一日大學士明珠王熙奉

諭旨朕夙夜孜孜勤求至理深宮寧處軫念闔閭詎吉時巡

省觀民隱經行所至登於泰山至聖遺蹟緬然如視一覽

衆山登眺九有洵足攬天下之勝察造化之奇援筆濡毫

書成普照乾坤四字可於孔子小天下處建亭懸額復書

雲華二字可於極頂處磨崖勒石其本年香稅免解該部

用以鳩工庀材虔修泰山頂上各廟應行事宜爾會同議
擬確議具奏

康熙二十八年正月

上諭朕巡歷所至再經岱麓重瞻祠宇詢其廟祝知香火荒
涼日用難給帑項諸廟亦復如之念泰山為五嶽之長載
在祀典有功社稷不宜使之漸就寥落合將每歲香稅錢
糧內量給數百金使上下嶽廟與元君諸祠守祀者得有
資賴曉夜盡心兼可時加修葺以壯往來觀瞻示朕崇祀
之意爾諸臣即與山東巡撫滿臬會議以聞欽此

康熙五十六年六月初六日泰山大水盤路傾圮

命江南學臣林之濬江西學臣魚鸞翔修理

泰山志卷三 盛典

雍正七年

上諭山東泰安州神廟奉祀東嶽泰山之神歷代相傳靈顯
昭著佑庇萬民俾國家享昇平之福者明神之功德其來
久矣遠近人民感荷默佑之恩焚香頂禮罔不虔肅其廟
宇重修於康熙十二年距今五十餘年矣茲據署巡撫費
金吾奏稱廟宇盤道有傾圮頽壞之處應加繕葺山路亦
當修整着發內帑銀兩命內務府郎中丁皂保赫達塞前
往督工敬謹修理務使廟貌輝煌工程堅固速行告竣以
副朕為民報享之至意特諭欽此

雍正九年十月闕里 聖廟告成

詔遣皇五子弘晝淳郡王弘曠致祭因過泰山行禮

雍正十三年十二月

上諭自古山川有能出雲雨者天子秩而祀之而五嶽之禮
尤重非有朝命不得致祠然王立大社而州黨又各有社
祭之祭則春秋禱賽庶民各就其所敬信而竭誠焉亦禮
俗之可以情假者也泰山舊有碧霞靈應宮遠近瞻禮者
軌蹟相望必先輸香稅於泰安州然後許其登山稅約歲
萬金自前明以來相沿未革朕思東方物之所生天地盛
德之氣之所發也故傳稱觸石而起膚寸而合不崇朝而
徧雨乎天下者惟泰山則春祈秋報黎庶輻輳在國家亦
宜順達其情若使力艱於輸稅而不得登山非所以從民
之欲也其富民樂施多寡任意准守祠人存貯以修葺舍
宇平治道塗有司不得干預諭到即鑄石樹祠用垂永久
特諭欽此

泰山志卷三 盛典

乾隆五年六月二十四日嶽頂碧霞祠災山東巡撫朱
定元奏

聞

詔發國帑重修俾復舊制遣內務府員外郎江都監督七年
五月告竣

乾隆十二年六月

上諭朕幼頌簡編心儀
先聖一言一動無不奉

聖訓為法程御極以來覺世牖民式型至道願學之切如見

羹牆碎雍鐘鼓躬親殷薦而未登闕里之堂觀車服禮器
心甚歉焉仰惟

皇祖聖祖仁皇帝巡幸東魯親奠孔林盛典傳於奕禩

皇考世宗憲皇帝崇聖加封重新廟貌賞遣朕弟和親王恭代

展祀末以命朕意者其或有待歟朕實紹丕基撫綏熙洽

思以來年春孟月東巡狩因溯洙泗陟杏壇瞻仰官牆申

景行之夙志復奉

聖母皇太后懿旨泰山靈巖坤德資生近在魯邦宜崇報饗朕
不致違爰遵

慈訓親奉

鑾輿秩於岱宗用蒼鴻馳旋蹕青齊觀風布澤以昭崇聖法

泰山志卷三 盛典

五

祖教孝省方鉅典有所應行典禮大學士會同該部稽考舊章

詳悉具儀以聞其應預備之各衙門查察事宜先期請旨

至行在一切所需悉出公帑毋得指稱供頓儲待絲毫貽

累閭閻羽林衛士內府人役等各該管大臣嚴行稽查約

束竝令扈蹕文武巨僚嚴飭儉從毋得侵踐田疇致妨宿

麥如有騷擾地方指名需索者立即參奏從重治罪通行

曉諭知之欽此
乾隆十二年十一月

上諭朕尊崇

先聖仰止官牆已降旨於來歲孟春躬謁孔林嗣因東省秋

潦成災雖經賑卹恐一時民氣未復若改俟秋間前往未

知於民情實在若何在該地方業經動帑預備遲至秋間
不免又多一番勞費踴躍望幸自屬輿情但巡幸大典所

期於閭閻實有裨益是以特召巡撫阿里衮來京面加諮

詢或春或秋何者為便據該撫奏稱東省被災州縣俱已

撫綏得所其經行道路營盤俱經預備若春月前往春麥

雖不能補種而秋田即可及時耕作以待秋成若遲至秋

間則既誤麥收并妨秋稼即在地秋禾亦須早獲轉於民

間歲計未便等語看此情節則改至秋間仍不如乘春前

往為宜但正月尚寒著定於二月初四日恭奉
皇太后鑾輿起程欽此

乾隆二十二年二月

泰山志卷三 盛典

上諭朕迴鑾渡黃後由順河集至徐州閱視河工朕即由徐

州至曲阜展謁孔林途經泰安登岱拈香本日仍回大營

駐蹕可傳諭鶴年預行備辦其登山路徑但須畧為掃除

足供行走即有窄狹之處或乘馬或用山步輿即緩步徐

行亦何不可者且

皇太后鑾輿並不登山切不可搭架天橋致多竭蹶
皇太后鑾輿仍由順河集舊路先至靈巖駐蹕可一并傳諭知

之欽此

乾隆三十三年四月額駙福隆安奉

旨泰山進香回奏山頂各廟傾圮頽落因

命總管內務府大臣劉浩會同撫臣勒佑發帑興修

乾隆三十五年四月

上諭前以富明安面奏山左臣民情殷望幸且泰安岱廟及碧霞祠宇俱重經修理落成明歲正屆

聖母八旬聖壽

慈意亦欲親詣拈香因允其所請並諭令富明安一切務遵儉約斷不可稍事華飾糜費諒該撫自當體會朕意善為經理惟入山東境內前往泰山曲阜陸程尚有數日前經富明安奏明添設行宮數處以供頓宿因念

聖母年高瓦屋較醴廬更為安適且可省運帶行營城分之繁姑允所請然所經不過一宿憩畱但期牆宇粗完埽除潔淨足矣斷不必點綴水石佈置亭臺徒致耗費物力再泰

泰山志卷三 盛典

七

山徑路陡峻繁紆將來

聖母臨幸時但詣岱麓神祠瞻禮並不遠躋崇嶽毋庸于山頂另建行宮至朕登岱經由道路只須就現成山徑畧為除治足資策騎總不得做照從前搭蓋天橋重勞工作著傳諭該撫務須遵旨樽節妥辦不得稍涉踵事增華以副朕意欽此

乾隆三十六年二月十五日內閣奉

上諭朕俯順輿情祇奉

皇太后安輿恭詣泰岱祝

般延禧並登闕里之堂躬行釋奠輦路所經推恩優渥而泰安曲阜為駐蹕之地尤宜廣敷惠澤用溥隆施著將該二

縣乾隆辛卯年應徵地丁錢糧全行蠲免該部即遵諭行欽此

乾隆四十一年三月初六日內閣奉

上諭朕因兩金川全境蕩平祇奉

皇太后安輿恭詣泰岱祝

般延禧並登闕里之堂告功釋奠輦路所經加恩優渥而泰安曲阜為駐蹕之地尤宜廣敷恩澤用溥隆施著將該二縣乾隆丙申年應徵地丁錢糧全行蠲免該部即遵諭行欽此

儀注

康熙二十三年

泰山志卷三 盛典

聖祖仁皇帝躬祀東嶽儀凡經過地方各有加

恩自親王以下宗室覺羅內大臣侍衛內務府武備院上駟院鑾儀衛各官及各旗護軍統領前鋒統領等官至各衙門扈從官及各執事人員俱預行派出節次隨行

駕發京師日鹵簿大駕陳設如常儀隨從不隨從王以下文武各官各跪送隨行如常儀所過鵝驢寺官先期傳知百里以內地方官率本地鄉紳士民迎於十里之外本地鎮守滿漢官軍整隊伍迎於十里之外分文武東西

候

駕至跪迎送如常儀十月壬寅至於岱宗前朔太常寺用

紙糊版黃紙鑲邊墨書祝版不書

御名太常寺官具補服捧送廟中安設祝案上其神位前陳

設禮神制帛一色青圓降真炷香一炷黃速香一觔白磁

爵三牛一羊一豕一豎一釧二簠二簋二籩十豆十酒

一尊燭二對燈十盞陳設畢禮部太常寺堂官奏請

皇帝具禮服陞輦儀仗全設扈從王以下內大臣侍衛文武

官三品以上及地方文官知府以上武官副將以上俱

朝服陪祀其餘文武各官俱於行宮前兩旁朝服跪送

皇帝入廟至二門降輦贊引官對引官恭導

皇帝入殿中門至拜位前立典儀唱執事官各司其事贊引

官奏就位

皇帝就拜位立典儀唱迎神贊引官恭導

泰山志卷三 盛典

九

皇帝詣香案前立司香官捧香盒跪進於

皇帝右贊引官奏上香

皇帝舉炷香上爐內又三上瓣香畢贊引官奏旋位

皇帝旋位立贊引官奏跪叩興

皇帝行二跪六叩頭禮陪祀王以下各官俱隨行禮典儀

唱奠帛行初獻禮捧帛官至神位前奠帛三叩頭退次

捧爵官至神位前立獻爵畢次讀祝官至祝案前一跪

三叩頭捧祝版跪案旁祇候贊引官奏跪

皇帝跪王以下各官俱跪贊引官贊讀祝祝官讀祝畢捧

祝文至神位前跪安帛匣內三叩頭退贊引官奏叩興

皇帝行三叩頭禮興王以下各官俱隨行禮畢典儀唱行亞

獻禮捧爵官獻爵於左如初獻儀典儀唱行終獻禮捧

爵官獻爵於右如亞獻儀典儀唱送神贊引官奏跪叩

興

皇帝行二跪六叩頭禮王以下各官俱隨行禮典儀唱捧

祝帛恭詣燎位捧祝帛官至神位前跪捧祝帛三叩頭

司香官跪捧炷香不叩依次捧送燎位

皇帝轉立東旁候祝帛香過還位立祝帛焚半贊引官奏禮

畢

皇帝陞輦還行宮不陪祀文武各官俱於行宮前排班跪迎

候

駕過各退

泰山志卷三 盛典

十

乾隆十三年二月

太上皇帝躬祀岱廟儀先期太常寺官一員赴行宮奏

皇上御龍袍補服乘輿出行宮入廟大門至配天門降輿贊

引官對引官恭導

皇上入配天門至黃幄次內少憩

皇上出幄次盥手畢贊引官對引官恭導

皇上進仁安門由殿中門入詣拜褥前立典儀官唱樂舞生

就位執事官各司其事贊引官奏就位

皇上陞拜褥上立典儀官唱迎神司香官捧香盒至香案右

旁立唱樂官唱迎神樂奏祈豐之章樂作贊引官恭導

皇上詣香案前立司香官跪贊引官奏上香

導

皇上立舉炷香安香靠內次三上辦香畢贊引官奏旋位恭

皇上旋位立贊引官贊跪叩興

皇上行二跪六叩禮樂止典儀官唱奠帛爵行初獻禮獻帛

爵官捧帛爵就神位前立唱樂官唱初獻樂奏華豐之

章樂作獻帛官跪獻帛於案上正中三叩頭退獻爵官

立獻於爵壘正中退讀祝官就祝案前一跪三叩頭捧

祝文至案前跪樂止贊引官奏跪

皇上跪贊讀祝讀祝官讀祝畢捧祝版至神位前跪安帛匣

內三叩頭退樂作贊引官奏叩興

皇上行三叩禮興樂止典儀官唱行亞獻禮獻爵官捧爵就

神位左旁立唱樂官唱亞獻樂奏典豐之章樂作獻爵

官立獻爵於爵壘左退樂止典儀官唱行終獻禮獻爵

官捧爵就神位右旁立唱樂官唱終獻樂奏儀豐之章

樂作獻爵官立獻爵於爵壘右退樂止典儀官唱徹饌

唱樂官唱徹饌樂奏和豐之章樂作畢典儀官唱送神

唱樂官唱送神樂奏錫豐之章樂作贊引官奏跪叩興

皇上行二跪六叩禮興樂止典儀官唱祝帛饌恭送燎位捧

祝香帛饌官至神位前跪捧香饌官不叩捧祝帛官三

叩頭各捧起依次送往燎爐時贊引官恭導

皇上轉立東旁鋪拜褥官起徹拜褥俟祝帛饌香過畢鋪拜

褥官仍鋪拜褥贊引官恭導

導

皇上還位立樂... 贊引官奏禮畢同對引官恭

皇上出乘輿還行宮

順治八年題准每年恭遇

萬壽聖節遣官致祭東嶽儀 一前期禮部題請遣太常寺

堂官一員行禮今由太常寺 一祝版白紙墨書黃紙

鑲邊前期太常寺官捧送廟內安設如常儀 一陳設

禮神制帛一色 白磁爵三牛一羊一豕一菓品五核桃 荔枝

圓眼棗栗 酒一尊 一祭日陳設畢教坊司作樂贊引

官引承祭官至盥洗所盥洗畢引至殿內行禮處立典

儀唱執事官各司其事贊引官贊就位承祭官就位立

典儀唱迎神司香官捧香盒跪香爐左贊引官引承祭

官就爐前立贊上香承祭官上炷香爐內又三上塊香

畢贊引官贊復位承祭官復位立贊引官贊跪叩興承

祭官行三跪九叩頭禮典儀唱奠帛行初獻禮捧帛

官跪獻畢三叩頭退執爵官立獻爵於案上正中退讀

祝官至祝案前一跪三叩頭捧起祝文立贊引官贊跪

承祭官及讀祝官俱跪贊讀祝祝官讀畢捧祝文跪

安案上捧帛官捧帛匣上三叩頭退贊爵官贊叩興承

祭官行三叩頭禮典儀唱行亞獻禮執爵官獻爵如

初獻儀獻於案左退典儀唱行終獻禮執爵官獻爵如

亞獻儀獻於案右退典儀唱送神贊引官贊跪叩興承

泰山志卷三 盛典

泰山志卷三 盛典

祭官行三跪九叩頭禮與典儀唱捧祝帛官恭詣燎位
捧祝帛官至案前行一跪三叩頭禮捧起祝帛司香官

跪捧不叩依次送至燎爐承祭官轉立西旁候祝帛過
仍復拜位立贊引官贊詣望燎位承祭官至燎所祝帛

焚半贊引官贊禮畢退 祝文 維年歲次月日

皇帝遣官致祭於東嶽泰山之神曰茲朕誕辰惟神永遠默
佑謹以牲醴庶品之儀致祭尚饗 按國家有大典禮
差官致祭俱用此儀

告文

順治八年四月初七日

皇帝遣都察院右都御史劉昌致祭於東嶽泰山之神曰惟
神天門挺秀日觀昭靈吐納風雲育成品物朕誕膺天命

泰山志卷三 盛典

祇荷神庥特遣專官用申殷薦惟神鑒焉

順治十八年八月初一日

皇帝遣翰林院侍讀學士左敬祖致祭於東嶽泰山之神曰
惟神天門挺秀日觀昭靈吐納風雲育成品物朕誕膺天
命祇荷神庥特遣專官用申殷薦惟神鑒焉

康熙六年八月十七日

皇帝遣內祕書院學士劉芳躅致祭於東嶽泰山之神曰惟
神天門挺秀日觀昭靈德沛青陽育成品物朕躬親政務
祇荷神庥特遣專官用申殷薦惟神鑒焉

康熙十五年二月初七日

皇帝遣宗人府府丞馬汝驥致祭於東嶽泰山之神曰惟神

天門挺秀日觀昭靈德沛青陽育成品物朕祇荷神佑懋
建元儲特遣專官用申殷薦惟神鑒焉

康熙二十一年三月初四日

皇帝遣宗人府府丞李廷松致祭於東嶽泰山之神曰惟神
天門挺秀日觀昭靈德沛青陽育成品物朕祇承神佑疆
宇蕩平特遣專官用申殷薦惟神鑒焉

康熙二十三年十月

皇帝躬祀東嶽泰山之神曰朕惟五嶽視三公而泰岱爲之
長古帝王巡行時邁所過名山大川必按圖職方敬修祀
事昭垂典禮自昔爲隆是以虞史著望秩之文周詩有懷
柔之頌朕荷

泰山志卷三 盛典

天眷命罔敢寧居省俗觀風勤求民隱爰以良月至於岱宗
惟神屹峙東方有成庶類天齊巨鎮功開萬物之先日觀
崇標尊爲百靈之府吉蠲用享虔事惟誠宣氣布和徧神
庥而沛澤始元啟泰翊景運以徵祥祇薦馨香神其歆鑒
康熙二十七年十二月十七日

皇帝遣內閣學士兼禮部侍郎李振裕致祭於東嶽泰山之
神曰惟神靈昭青帝秀啟天孫庶品資生羣方仰盛朕繼
承

祖宗丕基虔恭明祀茲以

皇祖妣孝莊仁宣誠憲恭懿翊天啟聖文皇后神主升祔
大廟禮成特遣專官用申秩祭惟神鑒焉

康熙三十五年正月二十七日

皇帝遣內閣學士兼禮部侍郎張榕端致祭於東嶽泰山之神曰惟神岱嶽稱宗青陽奠位誕敷靈澤發育羣生朕勤郵民休承期殷阜邇年以來郡縣水旱間告年穀歉登早夜孜孜深切軫念用是專官秩祀為民祈福冀雨暘之時若庶稼穡之屢豐惟神鑒焉

康熙三十六年八月初三日

皇帝遣日講官起居注侍讀學士傅仰致祭於東嶽泰山之神曰惟神聳峙東邦品物資始靈昭德懋允合稱宗朕以蠲除狡寇三履遐荒期掃邊塵又安中外今者祇承神佑塞北永清用告成功專官秩祀惟神鑒焉

康熙四十二年

泰山志卷三 盛典

皇帝南巡至泰安州登岱遣內閣侍讀趙世芳致祭於東嶽泰山之神曰惟神名著岱宗功齊青帝廣敷膏澤發育羣生朕祇承休命統馭寰區夙夜勤勞殫思上理歷茲四十餘載今者適屆五旬海宇昇平民生樂業見輿情之愛戴沛下土之恩膏特遣專官虔申秩祀尚憑靈貺益錫蕃禱佑我國家其登仁壽神其鑒焉

康熙五十二年五月二十五日

皇帝遣吏部侍郎孫柱致祭於東嶽泰山之神曰惟神名著岱宗位尊喬嶽發生庶類膏澤東維朕贊受鴻圖撫臨區宇殫思上理夙夜勤求惟日孜孜不遑遐逸茲御極五十

餘年適當六旬初屆所幸四方寧謐百姓又和稼穡歲

風雨時若維庶徵之協應爰羣祀之備虔特遣專官式循舊典冀益贊雍熙之運尚永貽仁壽之庥俯鑒精誠用垂

歆格

康熙五十八年二月

皇帝遣內閣侍讀學士兼參領朱汝錫致祭於東嶽泰山之神曰惟神秩尊羣嶽位峙東維百代增高崇朝徧澤朕纘

祖宗丕基虔恭明祀茲以

皇妣孝惠仁憲端懿純德順天翼聖章皇后神主升祔

大廟禮成特遣專官用申秩祭惟神鑒焉

泰山志卷三 盛典

雍正元年正月二十四日

皇帝遣宗人府府丞吳梁致祭於東嶽泰山之神曰惟神名著岱宗位尊喬嶽發生庶類膏澤東維朕纘受丕基新承景命竊念

皇考膺圖以來百靈効順四海從風坐享昇平六十餘載茲當

嗣位之始宜隆祀享之儀特遣專官虔申昭告惟冀時和歲稔物阜民安淳風徧洽乎寰區厚德長敷於率土尚其

歆格鑒此精誠

雍正十三年十二月初五日

皇帝遣翰林院侍講學士伊爾敦致祭於東嶽泰山之神曰惟神秀時天門明昭日觀位尊五嶽澤沛羣生朕纘承大

統仰紹前徽伏念

皇考臨御以來敬禮明神肅將禋祀靈祇乎應昭受鴻庥清晏
莫安茂登上理茲當嗣位之始宜隆望秩之儀特遣專官
虔申告祭惟冀雨暘時若年穀順成萬方蒙樂育之庥兆
姓荷悃懷之德尚其歆格鑒此精誠

乾隆十四年六月初三日

皇帝遣內閣侍讀學士明德致祭於東嶽泰山之神曰惟神
上應奎婁下臨渤海震方表極萬彙資生茲以邊徼敕寧
中宮攝位

慈寧晉號慶洽神人敬遣專官用申殷薦神其鑒焉

乾隆十五年十月初一日

泰山志卷三 盛典

皇帝遣三品以上大臣歸宜光致祭於東嶽泰山之神曰惟
神上應奎婁下臨渤海震方表極萬彙資生茲以正位中
宮鴻儀懋舉

慈寧晉號慶洽神人敬遣專官用申殷薦神其鑒焉

乾隆十六年正月二十七日

皇帝遣太僕寺卿伊拉齊致祭於東嶽泰山之神曰惟神作
鎮東方肇生庶類視三公而比秩長羣嶽以稱宗日觀天
門是惟神府金牀玉几實曰仙閣朕時邁江南道經齊魯
祠前漢柏想翠蓋之依然巖岬秦松仰貞枝而在日宜行
望祭用遣專官潔粢豆於司存極齊明於如在神其昭格
鑒此明禋四月十六日

聖駕南巡迴鑾抵泰安謁岱廟

乾隆十七年正月十一日

皇帝遣翰林院侍讀學士洙蘭泰致祭於東嶽泰山之神曰
惟神上應奎婁下臨渤海震方表極萬彙資生茲以
慈寧萬壽懋舉鴻儀敬晉

乾隆二十年七月二十八日

皇帝遣內閣侍讀學士龔學海致祭於東嶽泰山之神曰惟
神挺秀天門尊臨渤海肇生品物德沛青陽茲以平定準
噶爾大功告成加上

鳴爾大功告成加上

皇太后徽號神人洽慶中外蒙庥敬遣專官用申秩祭惟神鑒

泰山志卷三 盛典

焉

乾隆二十二年正月二十五日

皇帝遣禮部左侍郎介福致祭於東嶽泰山之神曰惟神造
化鍾靈奎婁應象覽衆山而莫竝氣蓋坤維冠五嶽以稱
尊位符震始風雲吐納崇朝彰布護之功神秀氣益庶類
荷育成之德朕省方南土駐蹕東邦挹瑞靄於天門曾登
峻極望祥光於日觀式賴洪庥用遣專官載申致祭神其
來格尚克歆承四月十一日

聖駕南巡迴鑾抵泰安謁岱廟即日登山祀碧霞祠

乾隆二十四年十二月十五日

皇帝遣吏部右侍郎五福致祭於東嶽泰山之神曰惟神撰

協青陽尊臨東夏代成兩大肇品物以資生崇長四方普
行施而無外赫赫之靈威共仰巖巖之氣象同瞻茲以逆
回蕩平大功底定望天門之崔峯靈佑遙承表日觀之崇
隆鴻庥永賴敬舉告功之典用申秩祀之文式薦馨香伏
惟昭鑒

乾隆二十七年正月十二日

皇帝遣吏部右侍郎恩不致祭於東嶽泰山之神曰惟神瑞
協青陽位崇東上山勢旁臨乎鄒嶧松濤近樓乎徂徠迎
愛景以東升扶桑日出不崇朝而澤徧岱石雲生茲以

慈闈萬壽懋舉鴻儀敬晉

徽稱神人慶洽仰戴祇於泰嶽虔奉明禋奉魯望於名山聿修

泰山志卷三 盛典

懿典尚祈鑒格歆此茲恭

乾隆二十七年正月二十五日

皇帝遣協辦大學士武毅謀勇公兆惠致祭於東嶽岱宗之
神曰惟神位鎮東方望隆羣嶽根盤地軸環九點之青山
氣接天門捧一輪之赤馭煥星文於日觀玉檢瑤函披翠
色於仙閣秦松漢柏是非特出雲降雨常仰神功抑亦惟
毓秀鍾靈首稱巨鎮朕省方吳會取道青齊念前此之時
巡又六年而一過稽古來之望秩剛二月之將臨特遣專
官用申虔祀神其來格式此居敬四月十九日

聖駕南巡廻鑿抵泰安謁岱廟明日登山祀碧霞祠

乾隆三十年正月三十日

皇帝遣御前侍衛工部右侍郎五福致祭於東嶽岱宗之神
曰惟神位崇五嶽秩視三公星應奎婁表東方以作鎮維
連齊魯司太昊而効靈氣接九霄照耀麗方升之日潤滋
千里網緼流方寸之雲仰神府之崔嵬秀鍾造化紀仙閣
之祕奧道協陰陽朕時邁南邦道經東土省方屢舉卅年
承奠麗之庥秩祀爰頒二月練陽春之吉敬陳殷薦用遣
專官神其降臨感此芬苾

乾隆三十六年二月二十四日

皇帝遣經筵講官禮部侍郎德福致祭於東嶽泰山之神曰
惟神鍾靈震位立極坤維冠五嶽以稱尊勢雄青充齊兩
儀而永固象應奎婁元氣網緼庶類荷發生之德雨膏溥

泰山志卷三 盛典

渥崇朝彰敷潤之功朕祇奉

安輿言登喬嶽挹天門之瑞靄方申祝

嘏之誠瞻靈宇之崇闕正屆落成之候顯位視三公之秩義
在報功時巡遵二月之文禮先方望仰高標之峻極知靈
覲之孔時特遣專官用陳明祀神其昭格鑒此馨香二十
五日

聖駕親詣岱廟拈香二十六日登山祀碧霞祠

乾隆三十七年正月二十五日

皇帝遣吏部右侍郎曹秀先致祭於東嶽泰山之神曰惟神
靈鍾青充宿應奎婁榮光上燭乎天門瑞氣遙連夫蓬島
體陽春而用事茂成始物之能隆柴望以報功蔚為羣嶽

之長茲以

慈闈萬壽懋舉鴻儀敬祈

稱神人慶洽仰靈祇於泰嶽日觀揚輝秩魯望於名山東皇齊福神其來格享此茲芬

乾隆四十一年三月十五日

皇帝遣和碩莊親王永璫致祭於東嶽泰山之神曰惟神公珪視望震宅函靈浴溟升日出之華扶桑駁接觸石應典

雲之候芘黍膏滋朕蒞事金川枚寧玉壘稽古而修在泮之典遵途而經維嶽之區碧嶽霞飛瞻綿亘孰云百里

金萱景絢祝蕃釐惟日萬年救遣專官虔將明祀神其歆格鑒

此茲芬十四日

泰山志卷三 盛典

聖駕東巡親詣岱廟拈香十五日登岱祀碧霞祠

乾隆四十一年七月十一日

皇帝遣內閣學士汪廷燮致祭於東嶽泰山之神曰惟神奠

位東藩表雄左海瞻巖作鎮首隆五嶽之封觸石為霖廣

沛崇朝之澤宗長之靈感無外魏峩之氣象炳尊茲以兩

金川小醜削平大功底定振郊臺之朱鷺遠荷

寵庥分躋野於蒼龍益滋

鴻貺謁岱既申夫典禮告成再展夫明禋薦此馨香伏惟昭

鑒

乾隆四十五年正月二十六日

皇帝遣禮部右侍郎達椿致祭於東嶽泰山之神曰惟神冠

嶽形尊視公秩峻嶽環瀛渤遙分長白之支宿應奎婁永

作大東之鎮合油雲於片石千里甘滋升旭日於扶桑三

霄景麗朕不膺嘉貺式迓蕃釐溯祇事於巡方儀循四度

迨告功而展敬瞬閱五年茲時邁乎南邦用虔修夫望祀

專官是遣靈爽來歆

聖駕南巡過泰安二十六日駐蹕白鶴泉

行宮二十七日

躬詣遙參亭謁岱廟三月回鑾二十九日

皇帝遣內閣學士達敏致祭於東嶽泰山之神曰惟神靈鍾

木德象協台躋燭榮光而瑞啟登封沛渥澤而功神觸石

著宗盟於羣祀高邁嵩衡瞻傑觀於層霄青連齊魯茲以

泰山志卷三 盛典

朕七旬展慶九有臚歡懋舉崇儀特申昭告攷省方之典

禮既修望秩於名山仰表海之聲靈載迓蕃釐於潔薦神

其來格歆此茲芬是年四月

皇帝遣都統德保致祭於泰山之神是月十八日為碧霞元

君誕辰自是每年

皇帝遣侍衛大臣一員於四月十七日齋宿岱頂十八日黎

明詣碧霞宮拈香歲為常例

乾隆四十六年四月

皇帝遣都統德保致祭於泰山之神

乾隆四十七年四月

皇帝遣御前侍衛都統德保致祭於泰山之神

嶽形尊視公秩峻襟環瀛渤遙分長白之支宿應奎婁永
作大東之鎮合油雲於片石千里甘滋升旭日於扶桑三
霄景麗朕丕膺嘉貺式迓蕃釐湖祗事於巡方儀循四度
迨告功而展敬瞬閱五年茲時邁乎南邦用虔修夫望祀
專官是遣靈爽來歆

聖駕南巡過泰安二十六日駐蹕白鶴泉

行宮二十七日

躬詣遙參亭謁岱廟三月回鑾二十九日

皇帝遣內閣學士達敏致祭於東嶽泰山之神曰惟神靈鍾
木德象協台躡燭榮光而瑞啟登封沛渥澤而功神觸石
著宗盟於羣祀高邁尚衡瞻傑觀於層霄青連齊魯茲以

泰山志卷三 盛典

朕七旬展慶九有臚歡懋舉崇儀特申昭告於省方之典
禮既修望秩於名山仰表海之聲靈載迓蕃釐於潔薦神
其來格歆此苾芬

乾隆五十五年三月

皇帝遣內閣學士圖敏致告於東嶽泰山之神曰惟神功隆
作鎮瑞啟登封通靈氣於天門燭榮光於日觀徧羣生而
先望萬物資生卓五嶽以稱宗三公視秩地臨左海因名
山而致升中澤媿上穹不崇朝而徧天下茲以朕八旬展
慶萬國臚歡懋舉崇儀特申昭告高山是仰魯邦所詹虞
巡狩至岱宗允矣親修望秩周職方曰充鎮於焉載迓蕃
釐潔籩豆於司存薦馨香於神在庶其昭鑒式是居歆

乾隆四十八年四月

皇帝遣御前侍衛都統德保致祭於泰山之神

乾隆四十九年四月

皇帝遣御前侍衛兼副都統阿彌達致祭於泰山之神

乾隆五十年四月

皇帝遣御前侍衛兼副都統阿彌達致祭於泰山之神

乾隆五十一年四月

皇帝遣御前侍衛副都統阿彌達致祭於泰山之神

乾隆五十二年四月

皇帝遣工部侍郎兼滿洲副都統阿彌達致祭於泰山之神

乾隆五十三年四月

泰山志卷三 盛典

皇帝遣工部侍郎滿洲副都統阿彌達致祭於泰山之神

乾隆五十四年四月

皇帝遣工部侍郎滿洲副都統阿彌達致祭於泰山之神

乾隆五十五年三月

皇帝遣內閣學士圖敏致告於東嶽泰山之神曰惟神功隆
作鎮瑞啟登封通靈氣於天門燭榮光於日觀徧羣生而
先望萬物資生卓五嶽以稱宗三公視秩地臨左海因名
山而致升中澤媿上穹不崇朝而徧天下茲以朕八旬展
慶萬國臚歡懋舉崇儀特申昭告高山是仰魯邦所詹虞
巡狩至岱宗允矣親修望秩周職方曰充鎮於焉載迓蕃
釐潔籩豆於司存薦馨香於神在庶其昭鑒式是居歆

乾隆五十五年三月

皇帝遣皇十一子成親王永理致祭於東嶽泰山之神曰惟神鍾靈震位擅勝坤輿冠五嶽以稱宗勢雄青兗配兩儀而立極象應奎婁德沛崇朝六合仰和甘之賜功昭薄海百昌資長養之能贊元氣於鴻鈞聲靈赫濯報宏施於喬嶽秩祀崇隆朕受籙延洪撫辰行慶春祺錫羨臚歡而典洽時巡壽域凝釐展義則禮先方望天門日觀瞻窳宇以告虔陰魯陽齊脊名區而受福仰高標之峻極知嘉貺之孔時特展隆儀用陳潔薦神其敬格鑒此明禋初四日聖駕東巡至泰安祇謁岱廟駐蹕白鶴泉行宮初五日登岱祀碧霞祠初七日

泰山志卷三 盛典

躬詣岱廟拈香是日宴羣臣各賞賚有差

嘉慶元年二月二十五日

皇帝遣青州副都統觀明致祭於東嶽泰山之神曰惟神功隆作鎮瑞啓登封通靈氣於天門燭榮光於日觀徧羣神而先望萬物資生卓五嶽以稱宗三公視秩地臨左海因名山而敷升中澤媿上穹不崇朝而徧天下茲以乾隆週年嘉慶紀元懋舉崇儀特申昭告高山是仰魯邦所膺虞巡守至岱宗屢親望秩周職方曰充鎮載迓蕃釐潔邊豆於司存薦馨香於神在庶其昭鑒式是居歆

歲四月十八日為碧霞元君誕辰

皇帝遣內侍御大臣一員進香於十七日齋宿岱頂十八日

黎明詣碧霞祠行禮歲以為常乾隆四十五年四月

皇帝遣都統德保進香四十六年四月

皇帝遣御前侍衛都統德保進香四十七年四月

皇帝遣御前侍衛都統德保進香四十八年四月

皇帝遣御前侍衛都統德保進香四十九年四月

皇帝遣御前侍衛都統阿彌達進香五十年四月

皇帝遣御前侍衛都統阿彌達進香五十一年四月

皇帝遣御前侍衛都統阿彌達進香五十二年四月

皇帝遣工部侍郎都統阿彌達進香五十三年四月

皇帝遣工部侍郎都統阿彌達進香五十四年四月

皇帝遣工部侍郎都統阿彌達進香五十五年四月

皇帝遣御前侍衛都統布延達賚進香五十六年四月

皇帝遣御前侍衛都統布延達賚進香五十七年四月

皇帝遣御前侍衛都統布延達賚進香五十八年四月

皇帝遣御前侍衛都統布延達賚進香五十九年四月

皇帝遣御前侍衛都統布延達賚進香六十年四月

皇帝遣御前侍衛都統布延達賚進香嘉慶元年四月

皇帝遣御前侍衛都統布延達賚進香二年四月

皇帝遣御前侍衛都統布延達賚進香三年四月

皇帝遣御前侍衛都統布延達賚進香

附錄曹禾疏曰臣聞祀典國之大事帝王事天明事地察於是乎神祇降福人民悅豫慶流久遠古者有常祀

泰山志卷三 盛典

有特祀禮曰天子祭天地四方山川五祀歲徧焉此常

祀也四時舉行之禮也書曰歲二月東巡狩至于岱宗

柴望秩于山川此特祀禮司馬遷所謂每世之隆則封

禪蒼焉者也三五以來昭姓考瑞必以其成功告於上

帝臣考封禪書及班固應劭服虔諸儒所言泰山五嶽

之長神靈所聚因高崇天謂之封就廣增地謂之禪明

受天地之所命功成事遂有益於天地若高者加厚厚

者加厚陰陽和萬物序刻石紀號高世比德於九皇甚

盛典也遠秦漢唐宋之主有事岱宗者皆勒兵十數萬

創立宮殿更起明堂辟雍勞民費財失對越之意後世

議者遂不敢申明其禮獨詳於一歲中祈年報賽之常

泰山志卷三 盛典

五

祀不知祀天一也而禮有大小帝王受命於天左右相

之默成其功業故因名山升中與天相見報受命之無

負因之燔柴肆祀以蒼幽贊明欲其精神通於真宰使

神祇各率其職佑我皇極光我泰階天人之際感召甚

微其為典禮至尊至重洪惟我

太祖高皇帝誕膺圖籙

太宗文皇帝受寶握符

世祖章皇帝撫有區夏大命雖定而天下未寧人心未靖三孽

伏於方鎮海寇跳梁東南此乃

上帝神靈眷顧篤佑

皇上畱遺艱難昭宣至德神功開大一統之業垂裕於萬世

也伏見

皇上睿謀獨運動與天契決機制勝掃蕩都盡臺灣逋寇警

威歸化納土稽顙窮海萬里廓清無外

皇上聖德高深期臻上理雖六合同風而孜孜不已政化翔

洽流於無垠三光五行昭精布序午穀順成聲教四訖

閭閻安生樂業共見太平而奉琛職貢梯山航海而來

者不可勝數猗歟盛哉古帝有功德者莫過於黃帝黃

帝上元甲子貞元運會考定星歷建天地神祇物類之

官制作度數合符造化由是封巒勒成遂開宇宙文明

之象漢武帝不得其時則以十一月甲子朔冬至應之

而數千年之景運適協於今日功成治定之後則統天

泰山志卷三 盛典

五

之紀應地之時而立人之極端在今日矣臣愚竊謂

皇上以精一執中為奉若豈樂於泥金刻石鋪張揚厲之文

然而

上帝之命不可不報山川百神之助不可不答而運世之本

開基之功德不可不紀誠宜稽古禮文潤色鴻業勿憚

登陟之勞亟議告成之典考漢唐之儀注行之簡易順

成大慶維新庶政為生民錫福為奕葉儲庥光昭

祖宗之洪烈休德時見瑞應淳臻頌聲洋溢與黃帝之時同其

盛美矣臣於歲首卽懷此念慮蹈越位之罪既而惟之

受

恩深重報稱無由而敷陳經史導揚德化臣之職也拳拳之